

豐
草
菴
詩
集

豐草菴詩集自序

七月甲寅作焚研誓辭丙辰燒雜文丁巳理篋中舊詩
己未授兒古樂府發學道十年不到古人大休歇地非
獨神骨懦亦筆墨累之也因發憤夜登曉寒樓慟哭古
佛之前作焚研誓辭其文曰稽首大覺尊立潛不蚤背
塵棲玄宅靜綺語自障今日已後永絕文字鏤骨銘心
盡未來際不斷綺語崇高苦因不斷綺語道岸不登不
斷綺語離叛佛心故越二日而燒雜文矣余年十六七
輒喜手評古人之書評後輒悔悔輒更評更評復悔悔
輒欲自焚乃不果焚也今已志在青囊布襪因掩戶啟
篋縱陳癸未已前手評諸書凡數百卷悉焚之是日誤

焚乙酉雜文一卷丙戌悲憤詩一卷其明日兒樵等集
豐草菴長跪號泣曰大人何至是大人以求古出世聖
人之道棄家遠遊小子何知豈敢以口舌爭也然大人
平生欲身扶六經之墜日痛心風雅衰危也幸大人爲
圖書緩行余呼兒前曰止我墮文字因緣幾三十年今
復以未焚殘藁留是重自墮也樵未復泣曰大人縱未
能改新誓濡牘長吟也聊集舊文布人聞乎則樵等死
而更生余歎曰我病不能斷文字緣斷人間緣矣我安
能詰曲從人間世流布詩文也我少未嘗爲詩爲古文
辭爲古文辭不一年二年輒自媿且悔悔輒欲自焚一
焚于癸未之冬焚庚辰已前之文無遺也再焚于丙戌

之秋焚辛壬雜著及十餘年應制之文無遺也又甲申
乙酉詩歌一編誤以爲應制文俱焚焉丙申焚書則余
之三焚書也乙酉文丙戌詩之誤焚則余之再誤焚也
遺文銷落意不存矣我故舊半死生矣我愁坐一室中
絕往來尺牘十年矣世漸無知我者知我者一二入投
以詩惟涕泣讀而藏之不敢答矣情之不能忘也往來
于懷或中夜挑燈私擬酬和之詩詩成又涕泣反覆長
吟而藏之亦不復寄矣集中贈答非仲文初孝章諸詩
是也今世之詩傳人聞者無此例也且我不能如世之
詩珠聯漢魏璧合三唐也不能如世之詩赫然假聲光
於賢豪長者也不能如世之詩鬼言無蒂沈墮秋煙也

耽情于方外合社于漁樵遊夢于山經孤癖于香法古
人我不敢擬今人我不能以爲侶今世之詩傳人聞者
亦無此例也樵未曰傳詩文非以例也敢請余曰汝於
詩文癖矣今不示汝汝謂我自匿於是出篋中未焚書
紙亂編繁大索一日得庚辰已後雜文丙戌已後詩歌
各十餘編手授樵等越一日復呼樵未來前授古樂府
發未成之書一編謂曰我今年二月於律呂經緯邈然
遠想得風騷情性之至讀古樂府如縱轡天衢也自我
作古樂府發則不復作韻語蓋復自悔其詩矣

豐草卷詩集總目

人間可哀編

丙戌

丁亥

戊子

采杉編

庚寅

落葉編

庚寅

西臺編

辛卯

病孔雀編

辛卯

壬辰

紅蕉編

癸巳

登峰編

甲午

臨蘭亭編

乙未

雒陽編

乙未

洞庭雨編

乙未

圖韻牌編

乙未

丙申

豐草菴詩集卷一 目錄

人間可哀編

人間可哀曲 憶昔 惡鶴行 白鶴怨 遙

題巢居 華山畿 讀曲歌 估客樂 子夜

歌 采菱曲 詠美人禮佛 采桑女 詠殘

鐙 雜詩 染爪 詠香煙二絕 紅樓怨

門有車馬客 贈鄰居和唐人 芳樹 宛轉

歌 秋日幽居寄友人 得旣方書 夢華詞

聽雨詞 夢鄉詞 無端語 寄友人 題

昭君圖 簪花美人圖 嚴生書來寄余新夢

故紙中忽見余八歲時手書梵冊因讀先人

示語感而成詠 夢至亂山深處清谿一曲夾

岸繁花人曰此紫谿也 秋日買武夷山志

夢大雪中行匡廬山頂 采蓮歸 錢王孫

漫歌

二首

雨後

責子詩

三首

紀夢遊

暑夜

憶鹿山草堂

雁字

四首

秋日夢卜何

題豐

草菴

豐草菴詩集卷一

吳興先哲遺書

人間可哀編

吳興董說若雨著

人間可哀曲

丙戌

四座且勿喧聽我歌人閒人閒未及言淚下何翩翩高
城鬱嵯峨青樓大道邊浮雲連馬影蹀躞桃花天露濯
通犀劍日炤珊瑚鞭飛聲震京雒結客到幽燕狹斜歸
騎擁雷轂音闐闐入門春樹合美女妖且妍尋芳同入
柳鑑影並窺川新眉圖五嶽峨髻寫飛僊烏樓曲未罷
垂手舞纏綿酷烈沈榆屑芳芬芍藥煎織翠紋簾皎流
黃珍簟鮮含情復送豔宛轉華燈前重來不知處草木
空蒼然爲君吹玉笛長詠招魂篇

憶昔

憶昔鹿山中嘯讀樵人室鑿牖延危密翦竹導新術日隱遙松翠雨至眾山失僕僕喧奇雲穉子搜野栗幽巖富藥苗草樹自儻匹父老四五人昏旦來問疾濁醪不足勉聊與論遺逸

怨鶴行

客有南州生少年遠遊不得意流館西吳闈人鬱鬱以役一日託形野鶴飛集生館值生醉甚對鶴訴愁鶴忽墮淚生悶絕旣而嗚咽爲閨人語云君不如歸去妾死矣魄魄渡江尋君至此言訖而蘇鶴亦飛去余聞其事爲作怨鶴行復成白鶴怨二絕

白鶴復白鶴獨立兀如醉驅汝汝不飛那作仙人驥解不鳴亦不舞斜陽傍行子低頭語白鶴惆悵儂如爾二

白鶴長鳴行客沾裳白鶴淚垂一何琅琅鶴鳴尙自可
鶴淚愁殺我

三解

呼郎來前念郎愁苦儂不慕封侯願君還故宇欲知腸
斷絕衣上錢塘雨

四解

夜逐巫山雲搖蕩五湖裏天風知妾恨吹渡蘋洲水

五解

白鶴怨

幾回夢裏度金微此夜蘋洲喚客歸與君化作鴛鴦鳥
越水吳山只共飛

怨鶴嘵痕染客衣愁魂歷歷是耶非從今添入相思譜
不羨當年老令威

遙題巢居

崎嶇從夙慕夢訪巢居子俯視青鴻濛深竹隔漁市長
嘯五湖聞鉤簾千嶺峙觴飛宿鳥外某落白雲裏何當
謝人寰領鶴同巢此

華山畿

華山畿黃河日夜流儂情無斷時蓮峰五千仞蓮子若
爲知

一解

華山畿誰能長相思月明松柏路夜夜見題碑

二解

華山畿懊惱芙蓉渚秋草語秋風銷落只爲汝

三解

讀曲歌

歡是嶺上雲朝往暮來過斜陽炤殘雨儂處獨晴多
皎皎三五夜日月遙相語千秋只望汝

二解

一解

東風莫愁儂好向郎邊吹路旁折楊柳春日正長絲解

估客樂

烏曉江月落遙村隔煙嶼天寒津鼓_{四解}行人霧中語送歡揚柳灣帆轉不知處不及嶺頭雲隨歡千里去

子夜歌

輕風拂華林宛轉環珮聲莫將團扇至憎殺合歡名鏡焰歡容顏歡去空持鏡連喚歡復歡鏡中不會應郎在回雁峰飛書寄南浦擣篋染黃牋無處不辛苦儂家東海頭愁殺西風棗郎腰白羽箭不思刀環好解

采菱曲

江南日暮涼雲凝遊女盪舟歌采菱鬢學秋煙嬌不理

波文羅綺光峻嶒蓮葉東邊畫橈濶渚平浪淺蜻蜓立
絲牽並蒂歌聲短葉摘連枝淚痕溼蘋岸風微珠翠香
影落澄江空斷腸炤見金釵雙孔雀可憐錦帶兩鴛鴦
宛轉中流弄櫂遲柳塘野雀傍人飛落花狼藉無消息
直唱菱歌更不歸

詠美人禮佛

瓊珮鳴清夜心空翡翠樓手垂分舞意聲緩落歌愁磬
斷風吹帶香殘雁報秋浣紗人悟妄豔色若爲留宋之
浣紗篇贈
有

陸上人

采桑女

南鄰女伴至邀踐采桑期開簾拂明鏡且復治容儀花

簪鬟更理衣薰著故遲出門貪炤影還向水中窺

詠殘燈

黯黯愁眉聚沈沈清夜徂霜天聞別雁楊柳正棲鳥某
子敲還倦博山煙又無遙知玉門外邊月炤人孤

雜詩

枯葉鳴園林繁霜炤庭宇攬衣起躊躇憂來浩無主歟
歟南雁翔沈沈戍樓鼓延頸發長歎遠岫青可數高臺
知悲風秋草識寒雨不逢遙夜愁安知別離苦

染爪

秋風來幾日安得擣衣砧爲敲金鳳花共立梧桐陰色
憎脣朱淡影射晴霞深明朝寫眉角紅日透青岑

詠香煙二絕

修竹娟娟月色新
獨教鑪氣伴愁人
那堪落葉秋風度
吹作陽臺一段雲

秦樓曲斷夜偏長
愁殺寒衣空自香
最是篆煙知妾恨
盤旋畫出九迴腸

紅樓怨

紅樓窈窕垂楊裏
白玉鉤簾瞰江水
錦石牀鋪玳瑁文
流蘇帳挂葡萄紫
樓中姊妹嬌芙蓉
渠春風卷繡雙羅敷
鏡裏蛾眉嘗對畫
袖中纖爪正相如
檀槽共撥烏孫調
象口同鈎金錯書
秦淮花滿紫騮騎
白皙王孫箭插腰
挾彈翩翩桃葉渡
垂鞭兩兩赤欄橋
誰家纖麗多輕薄

清歌暗結烏棲約燈前贈姊合歡襦趙家女弟甘寥落
從此蘭膏焰獨眠博山縹渺鷗鶴煙江南誰解傷心曲
一代紅顏空自憐

門有車馬客

門有車馬客躑躅青松邊寶劍搖秋水高冠切雲煙夾
轂雙童子被髮光嬋娟耿介發英論汎濫桃花泉呼兒
前致辭主人非盛年庭中有枯樹相對日卷然壁上何
所有銅鉢封苔錢牀頭何所有綠字仙人篇何以滌煩
紓太古琴無絃何以託靈韻夢寐通幽玄復有高僧影
鶴骨霜華顛焚香夜稽首結志芙蓉天壯圖長已矣上
客空留連

贈鄰居和唐人

田園晨夕並無復別離情得句喜相報看山約共行柳
渠交釣影雨間合棊聲總是逃人客寧煩問姓名

芳樹

芳樹煙華繞春深碧玉家紫骝嘶落日羌笛怨殘霞翠
霧添池綠涼風拂鬢斜琅玕不足贈惆悵摘餘花

宛轉歌

秋氣清寒蟹夜復鳴江澄月皎愁心并非子之故誰爲
繁歌宛轉宛轉聲正悲願爲芙蓉鏡含景對光儀
睇行雲解佩復殷勤鐙前羅袖光氣氤歡樂未極哀情
紛歌宛轉宛轉涕無窮願爲黃金徽徘徊君掌中

秋日幽居寄友人

草色炤人綠，開簾風滿樓。
家貧書亦借，谿冷樹先秋。
杖高僧寄名，山詩卷收近。
來廬嶽夢夜，夜共君遊。

得既方書

丁亥

文章敢道似相如，寥落真成揚子居。
病榻三年懷舊夢，樵人五月寄君書。
只今野服堪投老，何處青山對結廬。
記得渡頭離別恨，蹇驢落日共躊躇。

夢華祠

夢華潭口聽客話嘉隆
聞大內舊事韻語記之

月華門外轉靈旛，炤夜銀盤碧藕肥。
祠罷天孫桐葉落，君王新賜鵲橋衣。

江南風景樂王灣霧縠單衣綠玉環紅芍花邊棋局罷
自裁團扇畫秋山

蒲萄半醉出仙臺萬歲山前獵陣開千騎蒙茸貂鼠帽
石橋飛雪帶狼回

柏葉千門苑柳青西宮簫鼓雨中聽桃箋不寫迎春版
翦作鴛鴦貼翠屏

一封紅篆奏神芝翠輦朝巡玉蝶池雲髻三千齊墮馬
高玄殿下讀靈碑

水殿無聲玉漏遲宮奴埽徑髮如絲不須宛轉看紅葉
自入霜秋嬾賦詩

西苑秋風太液濤菊花初繡鳳羅袍牙牌走馬傳宮帖

旋磨峰頭賚玉醪

宮門過盡絳紗車環碧池清殿影斜拾得水精雙彈子
黃鸝聲隔海棠花

繡巷春深榜隔凡晴雲寂寞度花巖夜來夢到承光殿
銀燭高燒炤舞衫

蝴蝶珍槃出御廚秋聲夜繞護城湖竹簾涼月澄如水
繡得秦樓跨鳳圖

聽雨詞

薜荔牆邊布穀鳴玉蘭樹底藥苗生雨中事事隨人意
莫遣東風便放晴

門無剝啄病全蘇管領煙雲柳數株人閒誰似王摩詰

要畫西窗聽雨圖

竹闌干外柳絲斜滴漚頻摧欲落花愛聽雨聲真是癡
米家石子陸家茶

薔薇架畔織斜文竹裏茶煙半惹雲殷勤寄語窗前雨
一瓣清香專爲君

鳩婦聲中急雨催水簾一片隔塵埃夢遊曾到香鑪頂
借得廬山瀑布來

夢鄉詞

合眼何曾是病夫穿雲履子不教扶春來五獄都遊遍
笑殺宗家壁上圖

人閒底事覓封侯夢國消搖也破愁枕中一帙名山志

揀得仙巖次第遊

客到柴關正夕陽相逢莫說少年場西窗對展流黃算
聊復同君夢石梁

無端語

竹杖芒鞋野外裝蠹書一束壓藜牀此身便合爲僧未
閒折黃花問法王

浮雲東望益霑巾篋裏函書墨尙新眼前今日誰知我
泉路他年有故人

落葉鏘鏘覆綠苔野人長嘯讀書臺湘簾夜半呼兒卷
明月還教入室來

烏嚦葉落夜偏長江北江南枉斷腸夢裏幾回尋寺去

亂山無路草茫茫

寄友人

處處桃花春可憐一牀書傍檠鑪邊門前風景君知否
楊柳深維問病船

題昭君圖

天寒抱馬出邊頭袖拂胡霜雲正愁空有幽魂託明月
年年長炤漢宮秋

簪花美人圖

墮馬新鬟髮半垂海棠片片溼臙脂簪花自愛花閒影
嬾向傍人問可宜

嚴生書來寄余新夢

劍啄玉蘭西斜陽鳥亂曉門前尺素書來從餘不谿玉
仍家在谿頭住開鍼迺是嚴生字嚴生數載匿空山露

香何日攜琴至

玉仍讀書處名露香

書云避亂自今年東西南北

空憔悴風雨還敲破寺門蹇驥真下窮途淚花落才過

舅氏家

玉仍爲嚴生舅

幾回翦紙魂猶悴以茲感憤思夢遊夢

裏同余到石樓青苔滿路行人絕瀑布飛寒古樹秋室

中木榻平如砥無字禪經一千紙壁畫高僧坐石巖瓶

鉢蕭蕭亂雲裏問余歷落彼何人笑言我輩前生是覺

來寫夢西窗雨并入新愁寄溥水嚴生書辭婉轉

情酸辛道人未是忘情人與君好續三生夢萬壑千巖

更問津

故紙中忽見余八歲時手書梵冊因讀先人示語感而成詠

息心菴裏夢初醒二十年前是智齡記得竹牀殘暑後
枇杷樹下教心經余八歲時飯聞谷大師號名智齡

出家又恐話成虛先人示語云悔不早出家自珍重高僧一紙書最
是殺機能戒得滿園秋草不會除

夢至亂山深處清谿一曲夾岸繁花人曰此紫
谿也

水邊茅屋半漁家撲地紅英竹徑斜他日夢鄉修寶錄
道人曾看紫谿花

秋日買武夷山志

城郭人民事事悲秋風秋草正離離名山自料無錢買
隨著新詩到武夷

夢大雪中行匡廬山頂

小窗冷落對殘書竹外空勞問病車一事最奇人不信
夜來踢雪到匡廬

采蓮歸

江上晴峰起暮愁微風吹送木蘭舟可憐兩兩芙蓉蒂
也學鴛鴦只並頭

錢王孫

戊子

苕谿錢生坐書畫船客遊近隱於賈者也
生藏錢氏舊譜題詠粲然余爲作錢王孫
錢王孫一船書畫江南村霸圖銷歇龍巖冷文采風流

還自尊君到錢塘秋滿窗布帆無恙挂晴江射潮強弩
今何在八月濤聲撼鐵幢

鐵幢浦在錢塘候潮門外鎮王射潮箭所止處

漫歌

二首

樵童翦紙補書籤落葉吟成也教黏詩律慣參無味話
明朝煮筍莫加鹽

選佛場歸獨閉門一鑪柏子老漁村心空及第知何日

風雨圖看畫狀元

吳小仙曾賜畫狀元印有風雨歸舟圖

雨後

雨歇池塘集暮鴉夕陽秋水共澄華漁童貫鯉攀谿柳
緝子襄螢翦碧紗荷葉風疏涼夜閣桔槔聲斷賀晴霞
病夫欲問栽松訣尺牘閑投樵父家

責子詩 三首

少年曾結客晚作樵人裝問余何爲爾蹇劣心自量秋
風響庭樹羣兒戲中堂生子無駢驥不如棄道旁阿奇
得惡札阿辰得健忘阿來爲長兄得余愚與狂也復嗜
禪誦時聞說夢鄉客從遠方來呼出裹衣裳行行結襪
係車輪繞中腸問渠都不應羞人時面牆一事壓諸弟
兀坐誠所長責阿來

童烏侍子雲九歲通太玄王郎讀漢書師古慚精妍阿
辰但覺栗不盡易上篇分爻偷打瓦擲卦戲磨錢裂紙
寫河圖鬱勃誇談天問義百不曉識字忘其偏那知媿
兒戲空及古人年責阿辰

阿奇鈍隸法握筆不能使清晨投章句流目東西視思
彈畫屏蠅愛破晴窗紙抽簪刻硯陰借筋敲鼎趾黃昏
辭書堂及戶先呼姊燭淚聚城郭粉壁畫弓矢浮圖累
石棊祭月陳土簋聯珠讚佛名梵曲巧能似鐙前學家
讌翦紙作桃李設醴詐傾杯藏闇握松子幸託先人廬
篋笥富圖史童心爾如醉家聲誰復起責阿奇

紀夢遊

夢遊野寺路層層艇子躡躡攬古藤半江殘日人收網
兩岸鳴蟬正采菱

暑夜憶鹿山草堂

郭西曾作客山夜最難忘野艇維深竹歸樵話夕涼池

神傳飲馬橋古記書堂幾度蒲帆夢翻成憶故鄉

雁字

四首

高秋澹墨落寒闌路轉谿迴望欲迷般浩愁心天半度
仲將楷法碧空題寫成紅葉風初緊賦就長門日正西
繞樹吟魂何處泊白蘋煙霧草萋萋

西風猶猶墨痕飄點染秋空更寂寥梵影夜飛黃葉寺
迴文曉挂綠楊橋吟斷碧雲愁日暮夢歸遼水賦魂銷
鯉魚尺素誰還羨一片相思楚塞遙

斜逐西風數點橫倚樓客倦若爲情放形似繪悲秋影
測韻應翻變羽聲才鬼魂遊天上去驚人詩逼華峰行
從來南北傷心語到處模糊寫不明

好借秋空作素縑
湘江雲斷墨痕添
情深宋玉翻投筆
才盡江郎怕卷簾
幾度敲斜風瑟瑟
一行離怨月纖纖
問奇枉載玄亭酒
篆勢飄颻未可拈

秋日夢卜何

野渡相逢白苧單
滿村黃葉夕陽天
問余舊寄春王辨
袖出新詞漁父篇
並記夢中事
翦燭幾時徵夢識
揮毫此日記愁緣
秋帆儻挂潯谿月
料得臨池又借船
卜何向寓有買船過訪之語王右軍有借船帖

題豐草菴

碧玉藤陰影小廬
磁盆秋水鏡紅魚
牀頭一握崩霜劍
銷作清鐘伴讀書

豐草菴詩集卷一

《豐詩》人間可哀編

十一

豐草菴詩集卷二目錄

采杉編

采杉曲 付樵童 豐草菴雜興 憶亡友侯
幾道 焚野人香 故夫坐睡 銅瓶換墨 讀
桂海巖洞志 授客菖蒲飲法 沈石田落花
十圖述 漫興十首 珊瑚枝 招魂曲 首
陽詠 故夫過塔院訪此山禪師 豐草菴新
聲 浩歌

豐草菴詩集卷二

采杉編

吳興董

說若雨著

采杉曲

庚寅

余出新意采杉膚雜松
葉焚之拂拂有清氣

苧衣夜換靈巖史館娃翠落蘋花水桺廊屢響梧桐秋
采香涇射香山趾千年唱徹吳宮謠刺杉不賣吹簫市
我家山童徐氏子春風曾擣桃花紙錦囊背冷樵船飛
慟哭空山古香死一瓣拈來豐草菴洞庭落日玻瓈紫

付樵僮

護紗箬笠野樵裝馬後曾持古錦囊今日一端還賴汝
刺杉采作野人香

豐草菴雜興

藤陰翠落護花籬屋角雲歸度影遲秦吉了誰聽鳥語
磨兜堅又教兒癡占移楓式還名射芽摘茶園正展旗
禹篆學成人莫笑草堂待勒夢鄉碑

憶亡友侯幾道

秋風幾度思疇昔葛衣白鶴江頭客素車白馬滿江南
野渡相看獨愁絕辛巳會弔西銘夫子初與幾道相見月射生公舊講堂
樽前夜話秋山碧江東獨步謬推賞吳會論文書數尺
先是義道寄余尺牘有吳雲煙一語文江東獨步之語會論文江東獨步之語
霜藤澗當時不解暮年悲只把懷賢羨麗詞幾道昔寄時余作落葉詩
若教續得秋聲賦省卻愁人落葉詩時余作落葉詩三十餘首

焚野人香敬夫坐睡

旃檀篤耨謬奇賞別調野香誰共憐敬夫夢踢白雲去
聞殺一鑪杉樹煙

銅瓶換墨

斷墨象苔石一片瀟湘青空齋無可遺垂淚向銅瓶

讀桂海巖洞志

瑤參玉筍拔靈都獨秀峰高石室孤桂海寫將山影去
從今鴈蕩不須圖

棲霞洞口七峰高疊綵巖寒影碧濤底事浮名正相似
北淵洞裏石胡桃

授客菖蒲飲法

誰參九節石根禪補入茶經第八篇從此草菴添飲事
菖蒲香惹刺杉煙

沈石田落花十圖述

蝶滿南園花事休山頭雲溼雨初收黃茅亭小江帆遠
石板橋寒谿水流野色春深眠犢草綠陰晴泊釣魚舟
杖藜去問東家客底事堪銷一段愁第一圖

傷心南浦賦魂銷只臘垂楊學舞腰盡日鳥嚦深竹院
斜陽人過赤欄橋閑愁幾度添新夢野坐無端話六朝
極目水塘春草綠漁船釣網漾春潮第二圖

春茶新試陸家經落瓣空黏汲水瓶野渡人行還看瀑
江天鶴去但遺翎筆牀冷落愁中賦藥杵丁東竹外亭

指點亂紅飛欲盡隔江依舊數峰青

第三圖

飄零終不受塵埃一曲清谿兩岸苔
焰影鶴隨殘日去白頭人抱短琴來他時黃葉還添淚此日江南正可哀
結客少年空往事乾坤寥落獨登臺

第四圖

數聲柔櫓夕陽西萬點桃花野渡迷書畫船移春水綠故人家近亂鶯囀隔江遠樹愁無數夾岸新楓青滿谿
漠漠晴煙村路盡一閒茅屋板橋低

第五圖

繞屋飛花滿架書江南三月綠陰初草堂日永呼編帚柳岸春寒看打魚帖展蘭亭還感慨窗遮枯樹正閑居竹籬且莫教兒補淨埽門前候客車

第六圖

雨歇池塘芳樹稀茅亭寂寥綠成圍青山斷處晴雲出

野鹿聲中瀑布飛
鬪草社開樵客路送春人立釣魚磯
新蒲細柳愁無限
宛轉橋通村徑微

第七圖

遊絲細逐暖風輕
冷落殘香墜石枰
到處鶯囀囁催日暮
一谿寒綠正新晴
船頭撥槳人沽酒
岸上吹簫又賣餉
白髮不禁惆悵意
愁吟空繞樹邊行

第八圖

谿聲歷歷石粼粼
老眼看花恨轉新
日暮愁心江上樹
春風扶杖白頭人
誰家院落橫長笛
若箇汀洲賦采蘋
拾得殘英獨歸去
一甌寒瀑賽茶神

第九圖

曉谿空有竹千竿
狼藉東風春又殘
突兀江頭新草閣
蕭條樹裏曲闌干
紅橋隔岸人家少
白鷺飛邊釣艇寒
搖落滿園誰復惜
明朝卻怕卷簾看

第十圖

漫興十首

衣借空階落葉縫杜鵑國裏買孤筇未能免俗朝評帖
一事如僧夜打鐘眼底三千年舊蹟夢中七十二青峰
人閒難著支離叟只合天台對古松

縷縷杉鍼石鼎煙寒松一柄夜談玄夢華故國三千里
蓮社新圖十八賢青眼自開深竹處白頭從老采蘋天
卦錢莫付書船去留看前朝舊紀年

竹籬疏處白雲垂結客歸來鬢已絲願作劍長隨季札
恨無金可鑄湘累當年徵夢還成讖昨夜聞鶴只賦詩
榻得益州東晉帖野夫心事落峨眉

依舊蘋江白屬飛漢官儀借綠蓑衣篋中尺素人存歿

志裏名山今是非垂柳門添新釣影問樵磯長舊松圍
鹿山草閣西遊曾補虞初筆萬鏡樓空及第歸余十年舊名問樵西遊有萬

鏡樓一則

漁村網集草堂寒琴曲新翻行路難一杵晨鐘飛木葉
滿園秋雨溼闌干錦囊瘦僕挑柴賣應制文章換帖看
屏上武陵圖半幅桃花不受大夫官

繡紙烏絲石筆牀小橋流水帶書堂白蘋風裏思漁艇
蟋蟀聲中話戰場窗記夢鄉初落葉客評書價又斜陽
一庭雜樹無心理薜荔牆邊放竹長

少年場裏唱陽春亂後遺忘記不眞塔院青桐徵夢帖
松陵暮雨買書人論交幾度思樵父余在鹿山時喜樵者茅君恨別

無端話野賓

王仁裕有暖名野賓其事令人懷斷豐草自題茅屋榜從來

麋鹿性難馴

看續茶煙煮豆糜清綠正與老相宜白頭村嫗談書譜

余家有白頭嫗能典牙籤短袖奚奴訪禹碑畫爲貪山頻欲挂竹因

遮暑又新移好奇多被兒童笑尋得珊瑚壓硯池

時硯池中

有珊瑚屑

晴窗霞起

蝶菴誰復供莊周四壁名山足臥遊死去梅花須繞墓

生前萬卷託高樓郭西路冷珠泉夢

鹿山有珍珠泉靜嘯聲寒

玉樹秋寥落滿懷人跡斷一村黃葉上簾鉤

石子階疏細草生傷春百卉繞籬行暮綠僧坐還烹水

責券人來也聽鶯怪石染煙雲九曲落花聯旬月三更

家中祇怨黃金盡賦裏誰聞擲地聲

珊瑚枝

銅盤仙人泣秋露短瓢欲挂要離墓杜鵑淚染桃花雲
飛落珊瑚海中樹十年飄泊垂楊渡夢中遠踢扶桑路
齊州九點琅玕青一把愁紅溼煙霧

招魂曲

中元日作

夢魂夜逐青桐葉飛落秋園作蝴蝶一星鬼火入江青
法王院榜招魂帖靈幡翦紗錢翦紙月黑松搖古鬚鬢
高僧入座呪音寒精靈百萬唬秋怯嘯聲認得故人魂
猶帶生前舊豪俠

首陽詠

草笠古鬚眉首陽一樵子擔柴入都城閒話青峰裏云
有兩男兒餓死西山趾白頭齊太公淚滴青蘋水還顧
召公言采薇人已矣

敬夫過塔院訪此山禪師

數年不向寺中行石塔新開古院名一樹寒桐晴後綠
幾迴茶鼎竹閒聲高僧舊約嚴詩政落葉新詞定細評
時敬夫落葉詩成應話西窗病居士滿牀書畫看雲生

豐草庵新聲

采蓮折柳代極情文桃葉竹枝辭分歡戚
事傳豐草體變新聲天下有情庶幾墮淚

賣得鍼秧屋後田采香船是買書船誰人解愛杉煙鼎
還許同參豐草禪

爲繡青山買色絲他年長挂夢鄉祠珊瑚一把嚦鵠淚
團扇新題落葉詩

薔薇影裏種紅魚一尺盆松翠鬣疏不是舊衣偏稱體
爲將白芷換新書

十年魂夢到峨眉補卻王家一段奇

右軍思遊峨眉與人帖云若果此緣

一段奇事也無端唱徹新聲曲到處風傳徵調悲

浩歌

蕉萃長添書苑悲

杜詩中郎石經後八分蓋蕉萃

從來古篆愛離奇陽

冰死後無人識腸斷斜陽碧落碑

子規嚦處買孤筇昨夜魂遊落雁峰問我今宵夢何處

天台橋畔看青松

秋雲依舊滿江南
白髮丹楓老自憐
何日亂山深處去
千株松闢蔚藍天

仙裝槲葉髮紛紛
句曲長飄綠玉雲
要踢玄洲數盤路
也披楓禊拜茅君

豐詩二十一

七

豐草菴詩集卷二

豐草菴詩集卷三目錄

落葉編

落葉二十八首

落葉用友人韻五首

豐草菴詩集卷三

落葉編

吳興董

說若雨著

落葉

庚寅

滿眼寒雲帶夕鴉
楓林無復客停車
湘君降清秋風緊
謝朓題牋細雨斜
谿閣卷簾通遠岫
漁村吹笛漏人家
蒼茫獨立空腸斷
野鹿銜來認杏花

其二

寒階一夜雨聲長
秋色明朝滿石廊
野渡吹來鋪釣艇
晴帆帶去挂瀟湘
高臺送目空衰草
古木橫雲又夕陽
行藥莫愁遊興盡
林塘屐齒正鏘鏘

其三

芳樹歌殘雁影橫西風嫋嫋暮雲平鶴歸涼月松巢爽
僧踢晴霜竹杖輕江上亂峰青縹渺燈前白髮瘦崢嶸
孤舟今夜楓橋客聽到寒鐘第幾聲

其四

愁聽哀蟬曲調翻洞庭波冷暮雲繁數聲長笛橫霜雁
一樹寒藤挂老蠍寂寂松窗聽雨客蕭蕭秋草讀書園
谿南古寺無人問隔岸疏林動遠旛

其五

木落寒江細雨收空山縱眺白雲秋新裁槲製裝仙像
戲翦桐圭拜醉侯塞上曲中愁匹馬瀟湘圖裏看孤舟
可憐白髮飄零客盡日長吟獨倚樓

其六

流水桃花事已非
輕雲隴首澹柴扉
鐘殘野寺人欹枕
月轉西樓夜擣衣
枯樹幾迴停賦筆
秋風空自長松圍
最憐昨日江頭見
亂撲茅亭帶雨飛

其七

亭皋又著曉風吹
一片愁心柳惲詩
聊與客翻芳樹曲
且呼兒補菊花籬
騎驢野店行吟日
翦燭西窗夜話時
不盡長江搖落恨
悲秋無柰鬢絲垂

其八

落花損盡辭濤箋
又戀殘楓廢晝眠
江上僧歸寒塔院
白頭人坐洞庭船
數竿竹影搖深樹
一曲秋聲詣夜絃

指點前朝舊陵寢幾堆黃葉夕陽天

其九

搖落聲兼急雨垂挑鎧歷歷話堪悲貂裘出塞人腰箭
團扇深宮夜賦詩野渡斷橋看挂綱空山流水聽敲鼓
誰將楓落圖新樣十幅藤牋一段奇

其十

南山秋晚轉清稜倚杖宵攜蹋葉鎧白月半規懸野廟
青松一色滿西陵斷碑缺字橫衰草石馬無聲絡古藤
拾得霜楓紅似繡寫將新偈問高僧

其十一

數杵齋鐘木葉疏黃茅蓋屋正嚴居縛將竹帚閑看鹿

借得紅顏醉捕魚秋水喚船歸客渡霜天送橘故人書
王右軍有橘帖
老來愛種長松樹細雨珊瑚學荷鋤

其十二

兩岸秋聲樹影稀白雲長挂釣魚磯空山石洞人攜鶴
修竹禪房自補衣燈下十年重憶舊邊頭九月正思歸
愁心夜逐瀟湘葉吹向黃陵廟裏飛

其十三

幾樹殘楓映白頭丹青誰畫箇中愁半規落日山頭紫
一帶長江天際流兩兩鴉唳鳥柏樹蕭蕭人倚讀書樓
老懷作惡渾難遣悶把霜藤送晚秋

其十四

爲惜江楓逐水萍折將紅葉插銅瓶林空山鬼號秋雨
牆短遙峰送暮青巫峽一章傳嘯旨風鑪三足注茶經

風鑪三足見陸羽經

窗前夜半愁心度野寺雲寒響塔鈴

其十五

桐陰非復早涼時細雨瀟湘正別離江上孤帆何處泊
南中橘柚幾人知窗含遠岫催吟筆嶺響秋颸動暮思
兒輩且停今日課老夫要寫落楓詩

其十六

淒鏘愁其暮蟬聞霜杵鐘遙木葉紛煙樹曉迷南浦雨
秋風空繞洞庭雲谿橋送客櫓輶蹋山院評茶石鼎焚
風味漢朝誰得似霸陵憔悴李將軍

其十七

拖屐尋碑嶺葉乾瓶添秋水話三玄空留繫馬斜陽樹
還記曉鶯渡口船伴影瘦筇青竹外一聲鐵笛白雲天
幾迴鶴背遊仙夢五嶽峻嶒九點煙

其十八

堅綠蕭蕭漾古潭白雲秋樹滿江南催成野衲徵詩帖
誤入山人采藥籃繞屋新藤敲石臼一簾晴瀑攀黃柏
疏林細出前峰路樵斧聲中好結庵

其十九

野樹鳴秋落日橫階前拄杖自鏗鏘隨風飄盡愁中意
擲地聲傳賦裏清一把黃茅遮歲暮數莖白髮對霜晴

出關憶得前朝畫石板橋邊蹋葉行

其二十

一聲搖落響空庭恰展枯林水墨屏霜滿別州山數點
秋深屋角樹無青種松還挂分泉鉢看竹長攜相鶴經
最是寂寥堪畫處草堂人靜數殘星

其二十一

石砌堆來墜葉深幾人江上賦愁心秋亭今夜添風景
池館明年更綠陰訪客驛呼高齒屐入城新買斷紋琴
空山賴有寒梅在早放疏花伴苦吟

其二十二

秋盡江南老淚枯姑蘇城外正嚦烏山頭瀑響樵聲小

橋齒霜寒杖影孤尺幅藤牋徵客夢一庭黃草學僧趺
冬青冷落憑誰種空挂芭蕉雪景圖

謝皋羽有
冬青樹引

其二十三

疏林無柰撲新霜木落天高欲斷腸兩岸唳鴉愁客路
六朝宮闕滿斜陽風生夕浦江潮上老對秋山感慨長
日暮漁樵歸未得短亭楓冷話興亡

其二十四

一天秋綠下寒園慟哭三閭薦白蘋脫髮人騎紅汗馬
夜臺僧祭戰場魂丁東古鳥鳴山月薜荔精靈響樹根
巫峽不須援助淚洞庭霜滿水潺湲

其二十五

杜陵秋盡賦空傳短髮飄蕭老自憐漠漠斷霞飛鶩影
垂垂枯柳帶人煙一聲長嘯看山屐兩岸蘆花采橘船
木葉縫成難贈客楓杉自挂蟹籬天

其二十六

白髮青山異昔時江楓五字淚空垂長亭日落攀寒柳
野廟霜晴打古碑去國孤臣江上影登高送客畫中詩
誰將疏雨梧桐句繪作秋屏副楚辭

其二十七

百市行吟秋樹根烏棲一曲暮愁繁山塘客去初聞雨
破寺僧稀只閉門霜落漁歌楓外艇煙消人影雁邊村
錦囊盛取飄零葉青李來禽總莫論

其二十八

樹外輕雲一縷紗青苔路被亂楓遮猜成楚客辭中菊
借作茅君袖裏茶茅君于手巾內解茶葉人與一葉客食之五內清涼曰此蓬萊山穆陀樹葉故謝幼貞曰摘寶文初臨拾穆陀之墜葉帳卷竹窗疏雨滴詩題桐影石欄斜莫嫌秋盡無風景錦繡還堆野老家

落葉用友人韻

霜樹真成無定姿樂天解道墜相思樂天詩涼葉墜相思偏宜野外彈琴社正是高人看竹時枯草一圍長已矣梅花滿林姑待之數莖白髮已垂暮從此深杯更不辭

其二

長松偏傲暮秋姿玉樹淒涼故國思江上空憐愁客賦

西窗還話少年時寒山欲到最青處秋雨與君同聽之
記得瀟湘送人去孤舟飄泊唱離辭

其三

西風歷落結寒姿囊取殘楓寄所思愁迫江南霜滿後
聲繁硯北日斜時窗中遠山雁飛落樹外孤村水遠之
樂府近來愁響絕晴秋自譜擣衣辭

其四

庭皋凋盡豔陽姿白髮青山結夢思江上草枯行藥處
洞庭霜落送柑時某聲隔水乍敲斷琴價斜陽共勘之
只待明年新綠後與君重作落花辭

其五

不妨翦燭寫秋姿落木無邊響暮思我輩情鍾秋盡夜
前生應死葉黃時升沈閱世盡如此榮落尋僧一問之
好補菊籬修蟹簖銜杯共唱感懷辭

豐草菴詩集卷三

丁巳仲夏

豐草菴詩集卷四目錄

西臺編

讀西臺慟哭記和張非翁 再和前韻 金陵

故宮遺香 再和前韻 復和前韻 金陵故

宮遺香余三和湘人韻友人繼作余復和之

重和前韻 三和前韻 四和前韻 五和前

韻 六和前韻 敬夫宿水北菴聞竹聲不及

入林而返歸途紀事余用其韻 重和前韻

三和前韻 四和前韻 讀非翁石船存草有

感 種豆用前韻 卽事用前韻二首 夜景

寄友人次角韻 督治豆花棚次前韻 夜坐

復次前韻 童歸復次前韻 南村卽景

病

起課童澆藥用前韻

卽事用前韻

四首

夜窗

獨坐復用前韻

聞竟孚吟聲次韻預和

從非翁借書復用前韻

有感次前韻簡西谿客

讀孟樸先生存草次韻因懷舊事

卽事復

用垂韻 復用前韻作止詩詩

雨中簡故人

卽事復用前韻

四首

首夏田園雜興用前韻

初夏紀事限韻

前題約西谿客同賦

夜

步藤棚復次前韻

客有和竟孚斜韻詩余用

韻得三首

重閱梅綰存草感賦 雜興復用

齊韻

答西谿客用前韻

四首

豐草菴詩集卷四

西臺編

吳興董

說若雨著

讀西臺慟哭記和張非翁

辛卯

買得遺書墨半搘招魂一曲有餘哀春風竹徑門空閉
慟哭還登夢裏臺

荒祠門破雜編荆一片殘碑綠蘚生哭盡兩臺天欲雪
孤舟人影大江橫

再和前韻

空山野廟短垣摧風緊潮寒助客哀日暮漁樵閒指點
無端白髮哭高臺

空有愁吟學楚荊相看華髮滿頭生男兒得遂酬恩志

匹馬西風一劍橫

金陵故宮遺香

遇五先生歸自金陵得宮香一
篋湘人詠以二絕余和其韻

結客場空憶少年故宮回首隔秋煙白蘋江上花如雪
瓦鼎焚香坐釣船

幾時攜箇看山僧白髮相逢說太平並建兩都誰作賦
賣香遺事記金陵

再和前韻

廢史銷殘又幾年君家須續舊湘煙漢宮香譜重箋處
人在斜陽江上船

湘煙錄在史一
條首漢宮香方

宮人斜吐住殘僧帆漾春潮岸樹平不是玉臺宮怨意

莫將新詠繼徐陵

復和前韻

夢中宮闕記當年十幅蒲帆一縷煙本是浪遊無箇事

金山碑斷莫停船

乙酉兵集金
山碑版俱焚

蕭蕭瓶鉢願隨僧踢葉尋秋江路平拈出袖中香一瓣
新詩滿軸祭昭陵

金陵故宮遺香余三和湘人韻友人繼作余復
和之

湧幢曾記世宗年香庫俄連祕閣煙忽報張家灣口

到龍涎十斛廣東船

朱文肅公著
湧幢小品

草菴人老未爲僧一曲悲歌恨未平南越數年消息斷

莫教狼藉舊零陵

重和前韻

丹青板樣壓當年十種鴻書繡古煙

四方得遇五翁刻本稱爲十種鴻書

圖籍已空離亂後江頭還認米家船

歸來隨著摘茶僧閑訪靈巖草樹平涇號采香人不見
一帆春雨過松陵

三和前韻

博山遺製曠千年誰解薰香不放煙宮餅
擣成還寄我春風好附借書船

散客閒如退院僧江邊扶杖暮煙平休欺白髮憐香客
豪氣當年壓五陵

四和前韻

南國重來已暮年雙飛白鷺一江煙賣香客去行人少
立盡斜陽喚渡船

一半知交竹院僧鐙前看劍氣難平不如結箇蛾眉客
儘把遺香散廣陵

五和前韻

筆牀茶竈自年年領取西窗石鼎煙祕閣書從何處問
勸君重買渡頭船

鐘催江上夕陽僧寂寞春潮挂席平夢入瀟湘叢竹去
鷓鴣嘯雨過黃陵

六和前韻

蝶詞四
蟬鳴兩岸日如年帆指苔谿挂暮煙打得象棋新勢就
薰鑪灰冷載書船

老去空依雲水僧垂簾永日似君平從教學取靈芳國
千樹桃花繪武陵

靈芳國事
見清異錄

敬夫宿水北菴聞竹聲不及入林而返歸途紀
事余用其韻

昔我在鹿山長鑊掘黃獨草堂渡頭西遮門一叢竹虎
跡探平沙松根挂危谷樵夫話晚涼山空語無俗隔竹
寒泉飛窗中數峰綠度嶺清秋天日落歸輿促丹青結
夢遊問樵圖一幅長吟聞竹詠重翦西堂燭

重和前韻

亂後故人存村荒一家獨西偏古僧廬空搖數竿竹磬
斷聲鏘然髣髴隔巖谷展書借禪鎧感慨話風俗開門
望遠樹斜月一潭綠竹徑不曾行遊侶晨裝促背帆坐
支頤繭紙披長幅攜來豐草菴疊和幾銷燭

三和前韻

婚嫁畢無時長往不妨獨會當別爾去隨行一筇竹勸
哭香鑪峰躡躅康王谷精廬託亂山瀑布隔塵俗飛書
絕交朋一嘯秋山綠空懷遊嶽情徒悲年運促借樣製
樵巾輕紗裁一幅姑遊水北菴蹕蘚還攜燭

四和前韻

他年埋我處水西村樹獨丙舍蓋黃茅墓石藏深竹松

杉次第裁臨水結梅谷題曰夢道人生前不諧俗老去
其傷悲相看鬢非綠坐學秋蠅吟自令年命促不如復
徵夢烏絲續新幅手種竹三竿摩挲夜燒燭

讀非翁石船存草有感

千秋歷落人一二不能數吾家有石船逸事嗟未補推
窗讀君詩嚼菜心自苦張墩續釣盟忘年定余許

種豆用前韻

種豆樗樹根曉指曙星數牆西屋三閒黃茅及閒補豆
花涼自垂絡緯吟自苦秋草與秋蟲萬古愁如許

卽事用前韻

二首

牆透玉蘭梢初葉清可數西偏伐枯棠定種梅花補茶

杯祭孟郊稱君詩味苦後夜月魄升應喚柰何許

青峰七十二秋宵夢中數潭小奔泉飛牆缺垂藤補人定話西窗燈昏寒月苦彈劍忽鏗然微軀定誰許

夜景

交藤如裂冰石子苔築剝月影下西牆正射闌干角

寄友人次角韻

涼秋坐谿堂采菱共儂剝汝坐青藤根儂坐豆花角

督治豆花棚次前韻

插篠護初苗綠莢待秋剝正如盤中詩中央旋四角

夜坐復次前韻

月出藤棚西窗紙自偷剝蟋蟀避燈光竄入青菱角

童歸復次前韻

童歸擔谿泉彈戶聲剝剝澆取一園花老我南村角

南村卽景

鳥啄櫻桃壓樹垂種秧歸屋屢懸離水村補瓦迎梅雨
野廟酬神唱蠻詩斷渚客呼漁艇渡落霞僧立石橋窺
燈前細引兒童話寫作南潯卽景詞

病起課童澆藥用前韻

牆角休嫌薜荔垂放將寒絲亂藤籬便裝夏日田園樣
須補庭中草木詩童曠不知松下問客來自隱竹邊窺
花名最動人煩惱一樹山鵠好製詞

卽事用前韻

二首

樵笠懸窗紙幕垂雙扉曲繞數層籬多憑夢去尋遊覽
生怕醫來戒詠詩移竹艇衝斜雨放候茶童隔亂藤籟
盡呼兒女花前鬧教唱新編豐草詞

一軸湘簾盡日垂賣書人到暫開籬藥欄砌學棊枰路
海燕聲如蠻語詩種樹訣尋樵艇問蠶花蟲喚小童
石湖舊本誰分與研紙先鈔雜興詞

夜窗獨坐復用前韻

晴江難放釣絲垂空學樵裝住小籬此日伴愁三足鼎
他年祭我一編詩護紗笠破飛螢透古錦囊空野鼠窺
教取雙童吹鐵笛白頭自唱夢遊詞

聞竟孚吟聲次韻預和

松未離益翠鬱垂野薔薇結櫻窗離吟成落葉渾忘夏
話到廬山欲廢詩瘦竹杖求禪客相遠村花倩別人窺
卦盤射爾添新詠短幅先郵和韻詞

從非翁借書復用前韻

授經一幅絳紗垂幾日南村踢雨籬賤子能排京氏易
高賢曾受遠公詩精廬何處堪雙結雁蕩他年約共窺
肯乞異書三百軸不勞紙尾更批詞

有感次前韻簡西谿客

接翅昏鴉滿樹垂抽書獨坐晚晴籬土風四月聽收繭
家世苕谿愛課詩得句且教兒輩寫愁心留放後人窺
一編文苑詩刪就再辦閑情點宋詞

讀孟樸先生存草次韻因懷舊事

當年枯柳傍門垂艇載山僧過蟹籬滿眼故人同說劍
三更白月坐聯詩那知送客都成讖集中聯句詩同玄
賦集靜嘯齋執茲言
還記藏書許共窺石子洗清籬又結一甌茶薦奠君
詞

卽事復用垂韻

囊墨累累滿室垂甕埋退筆傍西籬遮風墨障圍謙卦
石刻李陽冰謙卦篆可作小屏除瘞新符帶杜詩草向結繩閒處鬪劍
當翦燭坐時窺田園雜事題多徧還少藤棚聽瀑詞

復用前韻作止詩詩

挂起西窗緣雨垂哀吟何苦鬧花籬袖香一瓣供枯坐

合爪南宗餓詠詩池放呼名新鴨浴筆隨祝子野蟲窺
從今文苑難拘束好拂長牋作賀詞

雨中簡故人

空庭水沒綠葵梢石子階深水藻交結夏擬投方外社
愁霖思構半山巢賣書客到籬難閉挑菜人歸戶又敲
算得黃鍾新樂譜添裁幾箇製笙匏

卽事復用前韻

四首

落樹花黏竹帚梢蠶天人靜蘚痕交思開石竇延僧話
終入雲峰共鶴巢轉水車圍村市響賣漁鼓雜雨聲敲
易名要學田園樣便擬從今號野匏

廬結苕谿水市梢青梅磊落綠陰交斷橋古渡人撐艇

細雨斜風燕定巢藤架喚收殘網結釣鉤例拾繡錦敲
插花瓶愛山家樣快剪挑鎧自鏤匏

黃鶯飛振玉蘭梢帖學稽康草絕交石路三叉營鹿柵
花離一曲護書巢放翁名其室曰書巢牆藤薄處漁蓑挂急雨來時葉白敲尋得東谿長柄種杖頭他日也懸匏

草堂空憶渡村梢樵社拋他方外交幸有夢鄉堪避世
卻將風角讓居巢蠻童偃蹇停書課野衲荒唐學塵敲
記得弄潮人怪事秋濤飛處挂空匏

首夏田園雜興用前韻

透盡蘆芽與筍梢歷查小滿卻新交蠶忙水店評桑價
雨識田家指鵲巢載竹船開壇預築煮茶煙斷石還敲

陸璣草木誰添疏認取園中苦葉匏

初夏紀事限韻

黃磁斗放蕙芽尖歷歷風吹響菊籜試茗乍停三日夢
借書未害一生廉閒招野客樹根坐稍欠茅亭水角添
竹削詩牌分險韻不知句外味誰拈

前題約西谿客同賦

藥闌洗出石稜尖史架抽來盡綠籜坐徧藤陰忘是夏
貪看山色不曾廉擣香聲緩日方永水墨圖懸竹又添
放取雙童閑翻草杜鵑花葉怕重拈

夜步藤棚復次前韻

石根斜放筍梢尖竹笈分標百藥籜繞屋谿清應號夢

沈文通因感異夢名谿爲夢谿灌花泉小合名廉月看今夜藤陰漏架待涼秋荳莢添好續興公金石賦天台遊話莫空拈

客有和竟孚斜韻詩余用韻得三首

菊籤雁翅傍離斜裝點南村野老家斑竹籠收新摘艾黃磁斗種隔年花筆逢退穎似羸馬書到會心如飲茶清事從來有眞癖不堪持贈是煙霞

醉漁曬網豎竿斜鳧鳴聲中暫寄家秋晚每租鄰舍艇日西去看別村花沙瓶未賣留燒筍樵笠新縫備采茶碎石種成蒲九節好題齋榜作青霞

荳棚霜壓菊籬斜兒學愁吟喜克家畫裏書堂懸瀑布夢中秋漿撥蘋花琴牀角缺移攤藥石鼓苔青坐試茶

記得鹿山村牧樣倒騎牛背看晴霞

重閱梅紹存草感賦

可憐清嘯靠湖齋屋任谿樵研作柴杜甫亂來吟詠苦
謝翹老後姓名埋難忘澹墨傳吟帖忽憶園燈鬪畫牌孟朴翁尺牘多澹墨故斜少年喜爲葉子之戲十五國風曾踢遍平生幾鞠破芒鞞

雜興復用齊韻

石紋歷落繞空齋貧遣兒童學賣柴種菊譜編筠紙寫
養魚盆取樹陰埋意中草閣西山渡夢裏寒霞篆字牌一思鹿山一紀七十二峰舊夢結束老來思朴野飛雲莫著屑香鞞

答西谿客用前韻

四首

隔架藤遮課子齋清泉一解沒煙柴筆從落葉聲中絕
骨揀梅花鬧處埋結客有誰分馬券遊仙曾見挂麟牌
江南惱殺黃梅溼高齒還穿屐樣鞞

短籬一尺綠圍齋枯樹藤垂只中柴說夢無徵隨筆錄
鍊香依譜倒瓶埋青燈夜集懷賢帖白玉新鐫止酒牌
眼底漁樵家具足新絲結網草編鞞

蕭蕭寒葉響村齋米價難平又苦柴壁繪名山無惜臥
書成離亂祇應埋買童約法先編帚養鹿呼名也刻牌
明眼有人拈不借參宗問取兩芒鞞

一章巫峽嘯西齋種豆棚疏縛槿柴別館書衝殘雨借
遠村樹惜溼雲埋枯楓斲取規壬式石黛研成點卦牌

癟癧自來同
陸羽明年準
蹋采茶
禊

豐草菴詩集卷四